



Ұлттық почта операторына арналған пруденциалдық нормативтер туралы ережені бекіту туралы

Күшін жойған

Қазақстан Республикасының Ұлттық Банкі Басқармасының 2003 жылғы 4 шілдедегі N 216 қаулысы. Қазақстан Республикасы Әділет министрлігінде 2003 жылғы 11 тамызда тіркелді. Тіркеу N 2433. Күші жойылды - ҚР Қаржы рыногын және қаржылық ұйымдарды реттеу мен қадағалау жөніндегі агенттігі басқармасының 2004 жылғы 12 шілдедегі N 200 (V042988) қаулысымен.

"Почта туралы" Қазақстан Республикасы Заңының 6-бабын іске асыру мақсатында, Қазақстан Республикасы Ұлттық Банкінің Басқармасы **ҚАУЛЫ**
Е Т Е Д І :

1. Ұлттық почта операторына арналған пруденциалдық нормативтер туралы ереже бекітілсін.

2. Қаржылық қадағалау департаменті (Бахмутова Е.Л.):

1) Заң департаментімен (Шәріпов С.Б.) бірлесіп осы қаулыны Қазақстан Республикасының Әділет министрлігінде мемлекеттік тіркеуден өткізу шараларын қабылдасын;

2) Қазақстан Республикасының Әділет министрлігінде мемлекеттік тіркеуден өткізілген күннен бастап он күндік мерзімде осы қаулыны Қазақстан Республикасы Ұлттық Банкінің аумақтық филиалдарына және Ұлттық почта операторына жіберсін.

3. Осы қаулының орындалуын бақылау Қазақстан Республикасының Ұлттық Банкі Төрағасының орынбасары Ә.Ф.Сәйденовке жүктелсін.

4. Осы қаулы Қазақстан Республикасының Әділет министрлігінде мемлекеттік тіркелген күннен бастап он төрт күн өткеннен кейін күшіне енеді.

Ұ л т т ы қ Б а н к

Төрағасы

Қазақстан Республикасының
Ұлттық Банкі Басқармасының
"Ұлттық почта операторына
арналған пруденциалдық
нормативтер туралы ережені
бекіту туралы" 2003 жылғы
4 шілдедегі N 216
қаулысымен бекітілген

Ұлттық почта операторына арналған пруденциалдық нормативтер туралы ереже

Осы Ереже " Қазақстан Республикасының Ұлттық Банкі туралы ", " Қазақстан Республикасындағы банктер және банк қызметі туралы ", " Почта туралы " Қазақстан Республикасының Заңдарына сәйкес әзірленді және Ұлттық почта операторына арналған пруденциалдық нормативтерді белгілейді.

1-тарау. Жалпы ережелер

1. Қазақстан Республикасының Ұлттық Банкі (бұдан әрі - Ұлттық Банк) Ұлттық почта операторы үшін мынадай пруденциалдық нормативтерді белгілейді :

меншік қаражаты жеткіліктілігінің коэффициенті;
ағымдағы өтімділік коэффициенті;
ашық валюта позициясының лимиттері.

2-тарау. Меншік қаражаты жеткіліктілігінің коэффициенті

2. Меншік қаражаты жеткіліктілігінің коэффициенті Ұлттық почта операторының меншік капиталының өз активтерінің сомасына қатынасы ретінде е с е п т е л е д і .

3. Меншік қаражатының жеткіліктілігі коэффициентінің ең аз мәні 0,08-ден кем болмауға тиіс.

4. Ұлттық почта операторының меншік капиталы мыналардың сомасы р е т і н д е е с е п т е л е д і :

төленген жарғылық капитал (ақшалай төленген сома шегінде);
қ о с ы м ш а к а п и т а л ;
өткен жылдардағы бөлінбеген таза кіріс (оның ішінде бөлінбеген таза кіріс есебінен қалыптастырылған қорлар, резервтер);
ағымдағы жылғы кірістердің ағымдағы жылғы шығыстардан асып олардан: материалдық емес активтерді алып тастағанда, Банктің негізгі қызметінің мақсаттары үшін сатып алынған және 1999 жылғы 1 шілдеден бастап немесе одан кейінгі кезеңді қамтитын қаржылық есеп беруге арналған күшіне енген Қаржылық есептің халықаралық стандарттары жөніндегі комитеттің Басқармасы 1998 жылғы шілдеде бекіткен Қаржылық есептің "Материалдық активтер" N 38 халықаралық стандартына (бұдан әрі - Қаржылық есептің N 38 халықаралық стандарты) сәйкес келетін лицензиялық бағдарламалық қамтамасыз етуді қ о с п а ғ а н д а ;

өткен жылдардағы шығындар;
ағымдағы жылғы шығыстардың ағымдағы жылғы кірістерден асып кетуі;
басқа заңды тұлғалардың жарғылық капиталына қатысуы.

3-тарау. Ағымдағы өтімділік коэффициенті

5. Ағымдағы өтімділік коэффициенті есепті айдың соңында есептелген өтімділігі жоғары активтердің талап ету бойынша міндеттемелерінің көлеміне қатынасы ретінде есептеледі.

Ұлттық почта операторының ағымдағы өтімділік коэффициенті 0,5-тен кем болмауға тиіс.

6. Өтімділігі жоғары активтерді есептеуге:
қ о л м а - қ о л а қ ш а ;

Ұлттық почта операторының кері сатып алу шарттарымен сатқан бағалы қағаздарын қоспағанда, Қазақстан Республикасының Үкіметі мен Ұлттық Банк шығарған Қазақстан Республикасының мемлекеттік бағалы қағаздары;

Ұлттық Банктегі, Қазақстан Республикасының банктеріндегі талап ету бойынша депозиттер ;

сауда-саттық ұйымдастырушының ең жоғары санат бойынша ресми тізіміне енгізілген, Standard & Poog's агенттігінің "А"-дан төмен емес ұзақ мерзімді борыштық рейтингі немесе басқа рейтинг агенттіктерінің бірінің осындай деңгейдегі рейтингі бар резидент емес банктердің бағалы қағаздары кіреді.

7. Талап ету бойынша міндеттемелерді есептеуге:
клиенттердің және корреспондент банктердің талап ету бойынша депозиттері;

талап ету бойынша басқа да міндеттемелер, оның ішінде, жүзеге асыру мерзімі бір айдан аспайтын немесе оларды жүзеге асыру мерзімі белгіленбеген ақша төлемі және аударымы, қолма-қол ақша беру жөніндегі міндеттемелер кіреді.

8. Есепті кезең ішінде Ұлттық почта операторында кредиторлар мен дебиторлар алдында мерзімі өткен міндеттемелері не ақша төлемі және аударымы туралы Қазақстан Республикасы заңдарының нормаларын бұзу фактілері болған жағдайда, өтімділік коэффициентінің есеп айырысу мәніне карамастан, ағымдағы өтімділік коэффициенті орындалмады деп есептеледі.

4-тарау. Ашық валюта позициясының лимиттері

9. Ашық валюта позициясы - бұл жекелеген шет мемлекеттің (шет мемлекеттер тобының) валютасындағы Ұлттық почта операторы талаптарының (міндеттемелерінің) Ұлттық почта операторының сол шетел валютасындағы талаптарынан (міндеттемелерінен) асуы.

Ұзақ валюта позициясы - бұл жекелеген шет мемлекеттің (шет мемлекеттер тобының) валютасындағы ашық валюта позициясы, ондағы талаптар (активтер мен шартты талаптардың жиынтық сомасы) Ұлттық почта операторының сол шетел валютасындағы міндеттемелерінен (міндеттемелері мен шартты міндеттемелерінің жиынтық сомасынан) асады.

Қысқа валюта позициясы - бұл жекелеген шет мемлекеттің (шет мемлекеттер

тобының) валютасындағы ашық валюта позициясы, ондағы міндеттемелер (міндеттемелер мен шартты міндеттемелердің жиынтық сомасы) Ұлттық почта операторының сол шетел валютасындағы талаптарынан (активтері мен шартты талаптарының жиынтық сомасынан) асады.

Ұлттық почта операторының валюталық нетто-позициясы Ұлттық почта операторының барлық шетел валюталары бойынша ұзақ позицияларының жиынтық сомасы мен барлық шетел валюталары бойынша қысқа позицияларының жиынтық сомасы арасындағы айырмашылық ретінде есептеледі .

Әрбір шетел валютасы бойынша ашық валюта позициясы жеке есептеледі.

Жекелеген шет мемлекеттің (шет мемлекеттер тобының) валюталары бойынша ашық валюта позицияларын есептеген кезде, бірінші кезекте Ұлттық почта операторының актив шоттарында және міндеттемелер шоттарында ашылған әрбір шетел валютасы бойынша шоттар сальдосы есептеледі. Содан кейін шартты талаптар шоттарында және шартты міндеттемелер шоттарында ашылған сол шетел валютасы бойынша сальдо айқындалады. Шетел валютасындағы талаптардың (міндеттемелердің) міндеттемелерден (талаптардан) асуын көрсететін сальдо өзара жинақталады, ал алынған нәтиже Ұлттық почта операторының шетел валютасы бойынша ашық позициясының мөлшері мен түрін айқындайды .

Шетел валютасымен көрсетілген талаптар мен міндеттемелер валюта позициясының осы талаптар мен міндеттемелер көрсетілген (белгіленген, индекстелген) шетел валюталары бөлігіне есепке енгізіледі.

10. Ұлттық почта операторының ашық валюта позициясы мынадай лимиттерден :

Standard & Poor's агенттігінің "А"-дан төмен емес тәуелсіз рейтингі бар немесе басқа рейтинг агенттіктерінің бірінің осындай деңгейдегі рейтингі бар елдердің шетел валюталары бойынша - меншік капиталы көлемінің 15 процентінен ;

басқа шетел валюталары бойынша - меншік капиталының 7,5 процентінен аспауға тиіс .

Валюталық нетто - Ұлттық почта операторының позициясы меншік капиталының 30 процентінен аспауға тиіс.

Ашық валюта позициясының осы тармағында белгіленген лимиттері есептік ай ішінде кез келген шетел валютасы бойынша үш реттен асып кетсе, бұзылған валюталардың ашық валюта позициясының лимиттері келесі айдың ішінде белгіленген лимиттер 5 процентке азайтыла отырып айқындалады.

Ашық валюта позициясын және валюталық нетто позицияны есептеуге Ұлттық почта операторының Ислам Даму Банкінен шетел валютасымен алған,

Қазақстан Республикасының Үкіметі өтелуіне кепілдік берген заемдарына байланысты талаптары мен міндеттемелері кірмейді.

Ұлттық почта операторының жеке алынған шетел валютасы бойынша белгіленген лимиттерді 0,09 процент асыруы ашық валюта позициясының лимиттерін бұзу болып саналмайды.

5-тарау. Қорытынды ережелер

11. Ұлттық почта операторы ай сайын, есептік айдан кейінгі айдың жиырма бесінен кешіктірмей Ұлттық Банкке осы Ереженің 1-қосымшасына сәйкес нысанда пруденциалдық нормативтердің орындалуы туралы есеп ұсынады.

Әрбір шетел валютасы және валюталық нетто-позиция бойынша валюталық позициялар туралы есеп апта сайын, есептік аптаның соңғы жұмыс күніндегі жағдай бойынша келесі есептік аптадан кешіктірмей ұсынылады.

12. Ұлттық Банк Ұлттық почта операторының пруденциалдық нормативтерді сақтауын бақылауды жүзеге асырады.

13. Ұлттық почта операторы осы Ереженің талаптарын бұзғаны үшін Қазақстан Республикасының заң актілеріне сәйкес жауап береді.

14. Осы Ережемен реттелмеген мәселелер Қазақстан Республикасының заңдарымен реттеледі.

Ұлттық почта операторына арналған пруденциалдық нормативтер туралы ережеге 1-қосымша

Пруденциалдық нормативтердің орындалуы туралы есеп

(Ұлттық почта операторының атауы)

200_ жылғы " __ " _____ жағдай бойынша

м ы ң т е ң ғ е

Құрамдас бөліктердің атауы

| Мәні

М е н ш і к к а п и т а л ы

А к т и в т е р

Меншік қаражаты жеткіліктілігінің коэффициенті 0,08-ден кем емес

Өтімділігі жоғары активтер

Талап ету бойынша міндеттемелер

Ағымдағы өтімділік коэффициенті (0,3-тен кем емес)

Басшы _____ [мөр]

(аты-жөні) (қолы)

Бас бухгалтер _____

(аты-жөні) (қолы)

Орындаушы _____

(аты-жөні) (қолы) (телефоны)

Ұлттық почта операторына

арналған пруденциалдық

нормативтер туралы ережеге

2-қосымша

**Әрбір шетел валютасы және валюталық нетто-позиция
бойынша валюталық позициялар туралы есеп**

(Ұлттық почта операторының атауы)

200_ жылғы "___" _____ жағдай бойынша

мың теңге

Шетел валютасының түрі	Ұзақ позиция	Қысқа позиция	Нетто-позиция
------------------------	--------------	---------------	---------------

Ж и ы н т ы ғ ы :

М ен ш і к к а п и т а л ы

Валюта түрлері бойынша ашық валюта позицияларының ең
к ө п м ө л ш е р і

Нетто-позицияның ең көп мөлшері

Басшы _____ [мөр]

(аты-жөні) (қолы)

Бас бухгалтер _____

(аты-жөні) (қолы)

Орындаушы _____

(аты-жөні) (қолы) (телефоны)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК